

SARS YI HLENGETA XIBALO XA CHUKELE (SBL) KU SUKELA HI TI1 DZIVAMISOKO 2018

PRETORIA, Ravuntlhanu, 15 N'wendzambahala 2017 — Vukorhokeri bya Xibalo bya Afrika-Dzonga (SARS) byi ta hlengelela Levhi ya Swinwiwa swa Chukele (SBL) ku sukela hi ti1 Dzivamisoko 2018.

Levhi yi wela ehansi ka Mipimo na Mitsengo ya Timali na Nawumbisi Ndzhundzholuxo wa Milawu ya Xibalo, 2017, tanihileswi swi pasisiweke hi Palamende hi ti 5 N'wendzambahala 2017.

Xiphemu xa 7A xa Xedulu Nomboro 1 eka Nawu wa Vulawuri bya Tinhundzu eMindzilekanini na Xibalo xa Swimakiwa swa laha Tikweni, 1964, xi nyika ndlandlamuxo wa levhi ya swa rihanyo eka swinwiwa swa chukele leswi tumbuluxiweke kumbe leswi amukeriweke ku suka ematikwenimambe ku ta eAfrika-Dzonga. Swikumiwa leswi amukeriweke ku suka ematikwenimambe swi ta hakerisiwa xibalo loko swi basiseriwa ku tirhisiwa emakaya na swikumiwa leswi tumbuluxiwaka laha kaya swi ta hakerisiwa xibalo eka xihlovo.

Mitlheriso na tihakelo ta SBL swi nga rhumeriwa hi ndlela ya xitironiki hi ku tirhisa SARS eFiling naswona swi ta amukeriwa emarhavini ya Vulawuri bya Tinhundzu eMindzilekanini na Xibalo xa Swimakiwa swa laha Tikweni.

Ku nyikiwa ka tilayisense na ntsariso wa vatumbuluxi va swinwiwa swa chukele swi ta sungula hi Nyenyenyani 2018. Vatumbuluxi ntsena lava endlaka bindzu lava humelerisaka swinwiwa swa chukele hi ntsengo wa swikumiwa swa chukele wa lembe na lembe lowu hundzaka 500 kg hi lembe va fanele ku nyikiwa tilayisense no hakela SBL. Vahumelerisi lava nga endliki bindzu lava nga ehansi ka mpimo lowu va languteriwa ku titsarisela kambe va nge hakeli SBL.

Levhi a yi cinci naswona yi le ka 2.1 wa tisente hi gireme ya swikumiwa swa chukele leswi hundzaka 4 wa tigareme hi 100ml, leswi vulaka leswaku tigareme to sungula ta 4 hi 100ml a ti hakeli levhi. Levhi i xiphemu xa phurogireme ya mfumo yo sivele no lawula vuvabyi nga tluleriki (tiNCD) no pfuneta eka siveleni no lawula ku nyuhela ku tlula mpimo.

SARS yi ta burisana na vakhumbheki eka vumaki enkarhinini wa mikombiso ya le gondzweni ku va letela eka phurosese. Masiku ya mikombiso ya le gondzweni ya ta kandziyisiwa eka webusayiti hi Sunguti 2018. Vuxokoxoko hi SBL bya kumeka eka webusayiti ya SARS www.sars.gov.za.